

SOL DI PUEBLO

BRIYANDO FUERTE • TRECIENDO CLARIDAD

SHOCK DEN CORTE!

INVESTIGACION DEN CASO DI DROGA

**BASA RIBA
CELULAR FANTASMA**




**DESPUES CU PROME
MINISTER DI HULANDA,
JETTEN, TABATA NA
ARUBA 3 MINISTER A BAY
FIESTA NA HULANDA CU
PLACA DI PUEBLO, NA UN
COSTO DI MAS DI
100.000 FLORIN!**

Minister Geoffrey Wever:


AGRI-INNOVATION PARK ARUBA A YEGA NA SIGUIENTE FASE: DISEÑO TECNICO Y BUSINESSCASE FINALISA



Oranjestad— Minister cu mas cu 40 aña di Finansa, Asunto Economico y Sector Primario, mr. Geoffrey Wever, ta informa cu e trayecto pa e Agri Innovation Park Aruba (AIP) a yega na un milestone importante. Despues di e elaboracion conceptual anterior pa Priva y Greengrounds, AAB International, un compania internacional

cu ta pone un siguiente paso concreto den un trayecto cu a cuminsa bou di e gabinete anterior. Unda nos a cuminsa cu un vision riba seguridad alimentario, awor nos tin den man un plan tecnico y financiero solido. Esaki ta permiti nos pa tuma decisionnan fundamenta riba e realisacion y desaroyo continuo di nos sector di agricultura na Aruba,” asina Minister Geoffrey Wever a expresa.

E diseño tecnico ta confirma cu hightech horticultura, ta factibel den condicionnan Arubano, cu inversion den control di clima, energia confiabel y infraestructura di awa. E concepto ta consisti di un kashuis hightech semi-serra di aproximadamente



meta di Aruba pa fortalece seguridad alimentario y reduci dependencia di importacion.

“Cu e Agri Innovation Park nos ta pone un siguiente paso concreto den un trayecto cu a cuminsa bou di e gabinete anterior. Unda nos a cuminsa cu un vision riba seguridad alimentario, awor nos tin den man un plan tecnico y financiero solido. Esaki ta permiti nos pa tuma decisionnan fundamenta riba e realisacion y desaroyo continuo di nos sector di agricultura na Aruba,” asina Minister Geoffrey Wever a expresa.

E diseño tecnico ta confirma cu hightech horticultura, ta factibel den condicionnan Arubano, cu inversion den control di clima, energia confiabel y infraestructura di awa. E concepto ta consisti di un kashuis hightech semi-serra di aproximadamente

9.000 m², dividi den cinco compartamento, combina cu un Center of Excellence pa educacion, investigacion y innovacion.

Pa e fase inicial, a scohe pa cuminsa cu cultivo di tomate, considerando demanda local, factibilidad tecnico y potencial financiero. Segun e analisis, AIP por reemplasa aproximadamente 48% di consumo local di tomate cu produccion local, cu flexibilidad pa amplia pa otro cultivo den futuro.

Minister Wever a enfatisa cu AIP no ta un solucion unico, sino parti di un sistema mas amplio pa seguridad alimentario. Agricultura tradicional, agricultura regenerativo, Criamento di bestia, pesca y produccion local di scala chikito, ta sigui hunga un rol esencial.

E proyecto tambe ta pone enfasis riba sostenibilidad, incluyendo uso eficiente di

awa y nutriente, reduccion di dependencia di importacion y exploracion di solucionnan di energia sostenibel.

Cu e diseño tecnico y businesscase finalisa, e siguiente fase ta enfoca riba seleccion di un tereno alternativo, adaptacion di e diseño na e ubicacion nobo, inicio di e trayectonan di vergunning y estudio ambiental (MER), preparacion pa un destaho publico.

“E meta ta pa construi un base solido pa mas produccion local, menos dependencia di importacion y un sistema alimentario mas fuerte, pagabel y resiliente pa pueblo di Aruba,” Minister Wever a conclui.

Fin di luna aki lo presenta e business case acompaña cu e un splicacion amplio tocante e parti tecnico di AIP den Parlamento.

“INVESTIGACION DI DROGA TA BASA RIBA UN CELULAR FANTASMA!”; ABOGADO MR. CARLO A BAHAMA PISA CONTRA POLIS Y RST DEN CORTE

ORANJESTAD – Un golpi duro pa Ministerio Publico! Loke mester a bira un caso penal rutinario contra e hoben E.G. (22) pa traficacion di droga y posesion di arma di candela, a transforma awe mainta den un drama-show den Corte di Husticia. Abogado mr. Carlo a baha pisa contra Polis y e investigadornan di RST, acusandonan di a troce normanan legal y di a manipula e caso cu un “celular fantasma”.

E acusacion oficial di Fiscal ta bisa cu entre Mei 2025 y November 2025, E.G. lo a vende droga y lo tabatin arma di candela den su posesion. Pero e defensa a lanta un horcan cu a laga tur hende den sala di corte boca habri. Henter e caso di Ministerio Publico ta core peligro di bay den bari di sushi!

ABOGADO MES A BUSCA RIBA COMPUTER: “E NUMBER EY NO TA EXISTI!”

E bom mas grandi cu mr. Carlo a benta den Corte ta cu e investigacion completo ta basa riba un mentira digital. “Tur cos ta basa riba informacion saca for di un celular cu simplemente NO ta existi,” e abogado a bisa den vos fuerte.

Mr. Carlo a splica Hues cu el’a bay haci su mesun investigacion priva via computer y a check e number di IMEI (e identificacion unico di e celular) cu Polis a pone den nan raport. E sorpresa tabata enorme: e number ey ta un invento, e no ta existi den ningun sistema mundial! Segun defensa, tur e scuchamento di celular, bahamento di mensahe y potretnan, ta bin di un “aparato fantasma” y e number real di e celular di G. ta totalmente otro for di loke Polis a hinca den nan relato. “For di unda RST a saca



e informacionnan ey anto?” e abogado a cuestiona severamente.

SPIONAHE ILEGAL CU
TECNOLOGIA SUPER
SOFISTICA

Pero e escandalo no a termina ey. Mr. Carlo a acusa RST di a uza un aparato special di spionahe, conoci como IMSI-catcher, pa intercepta combersacionnan priva di e acusado. El’a recorda Hues cu e ley cu ta permiti uzo di e tecnologia aki ta existi na Hulanda, pero NO na Aruba! Segun e abogado, e uzo di e aparato aki ta completamente ilegal den e caso aki, pasobra ni tabatin permiso por escrito di e Minister competente ni di Departamento di Telecomunicacion (DTZ). “Un empleado di DTZ a duna un aprobacion, y esey no por! Akinan a actua fuera di ley,” mr. Carlo a reclama na hues.

“PRUEBANAN TA ENVENENA Y ILEGAL”

Pa e defensa a denuncia cu Polis a drenta y listra e cas di G. sin a topa cu NADA di droga

ni arma, y cu Fiscal a sconde e supuesto permisonan di Hues Comisario. “Apesar cu mi a pidi e aprobacionnan pa drenta e cas, Fiscal no a duna mi nan. Pasobra nan no tin nan!” e abogado a bisa.

Pa mr. Carlo, e derecho di un proceso husto a wordo trapa y a bisa cu pruebanan aki ta “ilegal y fabrica”. El’a exige Hues pa declara Fiscal no admisibel, y tira henter e caso den bari di sushi y laga E.G.

liber mesora.

Aunke Hues pa awor no a declara Fiscal no admisibel, e cos a bira asina cayente cu Hues mes a core pospone e caso pa dia 8 di Juni 2026, ordenando Fiscal pa trece claridad urgente y manda verifica si e IMEI ey ta fantasma. Pa awor, e bataya legal a keda a keda na candela, cu e defensa canando cabez na halto, sperando pa e di dos round!

Clasificados




SOLODIPUEBLO@GMAIL.COM
CEL. 585 9500





Noticia di Corte

PA DI DOS BIAHA CU HOF TA POSPONE CASO PENAL CONTRA NELSON SPEED DE ANDRADE

ORANJESTAD – Awe mainta mester a tuma lugar e caso di apelacion di Nelson Speed de Andrade contra su sentencia di 18 December 2024. Ta asina cu pa di dos biaha cu Hof di Corte Superior ta pospone e caso.

SOLO DI PUEBLO por a compronde cu Speed no a presenta den Corte y a wordo representa pa dos abogado nobo esta mr. Illes y mr. Carlo. Nan a tuma e caso over di abogado mr. Canwood. E abogadonan a haci un peticion por escrito pa pospone e caso y Hof a honra e peticion. Esaki ta di dos biaha cu ta pospone e caso. Na Februari 2026, mr. Canwood a pidi pa pospone e caso pasobra de Andrade tabata den exterior. Ayera mr. Illes y mr. Carlo a pidi pa pospone e caso pa nan por prepara e caso.

SENTENCIA DI 18 DECEMBER 2024

Dia 18 December 2024, Hues a dicta sentencia contra 4 sospechoso: Koolman, Speed, Giel y Lacle. Un di e sospechosonan, Koolman, ta na Hulanda y no a presenta den Corte. Hues den su sentencia, a cuminsa na bisa cu e ta declara tur cuater acusado liber di e acusacion di a forma parti di un organizacion criminal. Hues ta haya cu no tin suficiente prueba. Hues a sigui bisa cu Speed, Giel y Lacle ta culpable di a compra Vos. Hues ta haya proba cu Speed, Giel y Lacle a paga Vos. Cada un a haci'e na nan manera. Hues a bisa cu e ta haya e declaracion di Vos confiabel. Na opinion di Hues, no

ta esey so. E declaracion di Vos, ta wordo confirma door di e chatnan riba whatsapp. Tin prestamo di placa haci y a duna regalo, pa asina move Vos como ambtenaar haci cosnan cu ta contra di su obligacion como agente di Polis.

A VIOLA OBLIGACION DI VOS

Hues ta haya tur cuater periodista culpable cu Vos a viola su obligacion di comparti informacionnan secreto di Polis. Hues a bisa cu Vos no a haci'e su so. E acusadonan a yuda door di duna diferente laptop, facilita aparato wifi, instalacion di cierto apps pa asina haya tur informacion for di radio di Polis. Hues ta haya cu cada un a haci aporte significant den esaki.

NO POR HACI DELITO PA HAYA INFORMACION

Hues a bisa cu pa cu e acusacion di organizacion criminal, no tin suficiente prueba di trahamento structural pa por papia di organizacion criminal. Pesey ta declara nan liber.

Hues a reacciona riba defensa di abogado, cu mester tene cuenta cu libertad di prensa. Hues a bisa cu en principio mester respeta esaki pa democracia den un pais. Sinembargo, e limite di libertad di prensa ta wordo determina pa ley.

Hues a enfatisa cu un periodista no por haci delito pa haya informacion. Hues ta haya cu esaki a sosode den e caso aki. El a bisa cu solamente den caso excepcional por tin excepcion.

Pa cu e castigo, Hues a bisa cu e ta tene cuenta cu seriedad di e caso. E ta haya cu aki ta trata di un caso serio caminda a pone cu Vos a viola su obligacion y daña imagen di Polis. Esaki a crea duda den Polis door cu informacion secreto di Polis ta cay den man di e acusadonan. Hues ta haya cu esaki por causa peligro den comunidad.

Hues a tuma e acusadonan na malo cu door di sensacion y nan propio interes a haci esaki.

CASTIGO

Hues a condena Speed na 18 luna di prison di cual 12 luna ta

condicional cu un tempo di prueba di 3 aña. Esey ta nifica cu Speed mester bay 6 luna sera den KIA. Hues a bisa cu Speed a haya mas castigo pasobra Speed a haci e delito aki den su tempo di prueba pa e mesun delito aki cu el a yega di haci den pasado.

APELA SENTENCIA

Ta asina cu Speed a apela e sentencia y ayera ta di dos biaha cu ta haci peticion pa pospone e caso. Hof a pospone e caso di apelacion pa dia 26 October 2026, caminda lo bay trata tur e caso di nobo y tres Hues lo bay dicidi si e castigo ta na su lugar of no.

AUMENTO DI BIENTO TA TRECE
MAS STOF
Y MAS KEHONAN
DI ALERGIA



Proteha bo salud.
Tuma precaucion.



NISTERMENTO
FRECUENTE



WOWO IRITA
Y TA BASHA AWA



NANISHI
CERA



DIFICULTAD
PA HALA ROSEA

Bo Salud, nos prioridad!

Dangui Oduber:

DESPUES CU PROME MINISTER DI HULANDA, JETTEN, TABATA NA ARUBA 3 MINISTER A BAY FIESTA NA HULANDA CU PLACA DI PUEBLO, NA UN COSTO DI MAS DI 100.000 FLORIN!

Ta apenas siman pasa Prome Minister Jetten tabata na Aruba pa discuti diferente topiconan cu Gabinete AVP-Futuro. Nos a mira masha hopi potret di reunion y encuentronan entre Gobierno di Aruba y Prome Minister Jetten. Nos a asumi cu Gobierno lo a adresa e retonan cu pais Aruba tin, como tambe atende cu e temanan di mas importante. Esaki a resulta di NO ta e caso. Paso pa nos sorpresa, e siman aki tres minister di Gabinete AVP-Futuro a subi avion rumbo pa Hulanda pa bay fiesta y celebra. Ta trata aki di Prome Minister Mike Eman, Minister Gerlien Croes y Minister Geoffrey Wever.

Un "snoeprisje" innecesario riba costo di pueblo

Un biahe sin agenda, sin sentido, sin proposito y sigur sin urgencia. Esaki ta totalmente inaceptabel, mirando e hecho cu apenas siman pasa varios a tuma lugar entre Gobierno di Aruba y e mandatario Hulandes, Jetten. E biahe aki a costa e pagado di impuesto mas di 100.000 florin. E ministernan no a biaha nan so; nan a hiba un delegacion completo cu ta inclui consehero como tambe secretaria di Consejo di Minister. Loke nos a compronde ta cu nan tres a bay Hulanda

specialmente pa e fiesta di e Minister Plenipotenciario, Milly Schwengle. Esaki tabata e unico motibo real di e "snoeprisje" aki.

Mientras pueblo ta wordo strangula cu prijsnan halto y famianan ta pasando den necesidad, Gobierno ta scoge pa biaha, fiesta y derocha placa di pueblo. Ki necesidad tabatin pa no uno, ni dos, sino tres minister biaha pa Hulanda pa un fiesta? Berdad esaki tabata un prioridad? Berdad esaki tabata necesario?

Promesanan bashi: Pueblo ta sufri, mientras Gobierno tin surplus

Na e momentonan aki, e prijsnan di gasolin, diesel, gas y hasta pan a kibra tur record existente. Nunca antes e prijsnan aki tabata asina halto! Tin sla di prijs tur caminda; unda cu pueblo bira, mientras cu a priminti pueblo cu costo di bida lo baha y poder di compra lo mehora. Awe nos ta mira cu promesanan no a wordo cumpli. Costo di bida ta totalmente for di man, poder di compra a bay atras cu stapnan grandi y, consecuentemente, pobreza ta sigui crece. E bestaansminimum pa un famia di cuater a bira 5552 florin, locual ta representa un aumento significativo atrobe.



Un gobierno serio lo a adresa e retonan aki. Nan tin un surplus di 500 miyon florin, pero e placa aki NO ta yega na e pueblo! Nan ta broma cu ratingsnan positivo,

nan ta broma cu situacion financiero saludabel, mientras e cartera di nos hendenan ta na grito. Pueblo a wordo manipula y gaña cu e situacion financiero lo mehora. E realidad? Nunca antes

den historia, Aruba tabata asina impagabel! Esaki ta un gobierno sin oido y sin sinti pa esunnan den mas necesidad. Nan ta biaha, nan ta fiesta, nan ta gosa... y pueblo ta sufri!



ANUNCIO

Hefe di Registro Civil y Censo ta anuncia lo siguiente:

Censo a haya acuerdo pa traha diasabra pa e siguiente productonan:

RIJBEWIJS Y PASPOORT:

Debi na piek den peticionnan pa rijbewijs y paspoort lo habri CITA adicional riba diasabra entrante 23 mei 2026 proximo. Corda lesa kico exactamente mester trece na bo cita. Tur informacion ta obtenibel riba nos website: www.censo.aw y/ of facebook page: **Registro Civil y Censo**.

ATENCION:

Si bo tin cita caba traha pa e productonan ariba pero no por acudi na esaki of bo a traha cita nobo riba e diasabranan aki, corda **CANCELA** bo cita pa otro por haya chens.

FRACCION DI MEP A ENTREGA DOS CONSEHO HURIDICO NA GOBERNADOR: MINISTER GERLIEN CROES NO TIN SALIDA LEGAL DEN CASO DI JET PRIVA

Fraccion MEP a duna un paso institucional firme awe mainta den cuadro di supervision y integridad. Lider di Fraccion di MEP, sra. Evelyn Wever-Croes hunto cu sr. Rocco Tjon a presenta na oficina di Gobernador di Aruba pa entrega formalmente dos conseho huridico detaya tocante e biahe controversial di Minister Gerlien Croes den un jet priva. Tur dos analisis, elabora pa expertonan independiente tanto local como internacional, ta demostra cu e actuacion di e mandatario ta den un conflicto directo cu e normanan di integridad y e leynan di aviacion.

E hecho cu Fraccion di MEP mester a recurri na Gabinete di Gobernador no ta un acto 'isola'. Como Parlamentario (oposicion y coalicion) nos a bin ta uza tur e canalnan oficial pa haya contesta – como parlamentario nos a haci preguntanan por escrito, peticion pa vragnuur, peticion pa debati cara a cara y ningun a duna resultado. Esaki a haci cu nos a cuminsa e caminda pa un LOB-Verzoek cual ta un manera oficial pa ciudadano pidi claridad y prueba for di un mandatario. Lastimamente, ni esaki no a funciona pa haya claridad riba e asunto. Mientras tanto consehonan huridico ta keda indica cu e situacion ta uno grave y como Parlamento nos no por keda man crusa y permiti nos instituto keda chercha di e forma aki. Pues, mirando e silencio sistematico y e falta evidente di boluntad pa duna cuenta na Parlamento, como parlamentario nos a mira nos mes den e obligacion institucional di



escala e asunto aki na e nivel mas halto. E ta inaceptabel pa laga e silencio di mandatarionan bira e 'norma'.

Consehonan Huridico

E documentonan aki ta evalua e caso for di dos angulo:

1. E normanan di aviacion internacional di Merca (FAA), caminda e jet ta registra
2. Nos leynan local di integridad pa ministernan na Aruba

E prome documento presenta ta un "Formal Legal Opinion" emiti pa un experto certifica den derecho di aviacion Mericano. Segun e analisis legal basa riba Ley di Aviacion Mericano, e jet no ta conta cu un certificacion pa por ehecuta buelonan comercial, pues den otro palabra e no mag di cobra niun hende. Consecuentemente, si

Minister Gerlien Croes a paga pa e buelo aki (sea cu fondo publico of personal), e transaccion ey ta constitui un violacion directo di leynan Mericano, loke ta wordo conoci internacionalmente como un charter ilegal ("illegal charter"). Ademá di esaki, si el a paga, e Minister tin e obligacion di mustra Parlamento e prueba di e transaccion aki.


E di dos documento, basa riba leynan local, ta di acuerdo cu loke e conseho huridico Mericano ta bisa, pero ta bay mas leu ainda. Si e mandatario NO a paga, e buelo ta wordo clasifica automaticamente como un regalo of fabor di un balor economico halto. E huristanan local ta splica, cu un Minister absolutamente no por acepta un fabor di e magnitud aki for di un compania priva, y scondiendo esaki for di Parlamento, e Minister

a kibra e obligacion di raporta (meldplicht) y e principio di transparencia cu ley ta exige.

Conclusion

E dos consehonan aki, tanto Mericano como esun local, ta mustra cu e Minister ta culpabel di a debilita e normanan publico. E ta simpel: si el a paga, el a bin ta forma parti di un buelo ilegal; si e no a paga, el a acepta un regalo di un suma halto ilegal pa un mandatario. Y si e ta pretende cu el a paga pero no por duna prueba, e ta viola e obligacion constitucional di duna informacion transparente y berdadero na Parlamento.

E BERDAD SEMPER TA ALCANSA E MENTIRA, NI CON BON E MENTIRA TA!



CRISTIANO RONALDO TA ENCABESA SELECCION DI PORTUGAL PA LOKE LO TA SU ULTIMO MUNDIAL

Cristiano Ronaldo ta encabesa e lista di e constelacion di Portugal cu e seleccionador, e Spaño Roberto Martínez, a anuncia diamars aki p'e Mundial di 2026, loke lo t'e di seis y ultimo campeonato mundial di su carera.

Cristiano, cu tin 41 aña di edad, ta forma parti di un lista di 27 hungado caminda tin caranan conoci manera Vitinha of Bruno Fernandes, y den cual ta destaca e inclusion di e delantero di Real Sociedad, Gonçalo Guedes.

Durante un conferencia di prensa n'e compleho Ciudad del Fútbol na Oeiras, situa den e area metropolitano di Lisboa, Martínez a resalta diamars e "flexibilidad" di Guedes, indicando cu e por hunga n'e bandanan, den centro y habri espacio den e contra-atake.

Cristiano a reconece na november ultimo, durante un cumbre na Saud Arabia — caminda e ta hunga p'e club Al Nassr — cu na su 41 aña, e Mundial di Mexico, Mrsa y Canada lo t'e ultimo caminda e lo participa.



Hungadonan convoca:

Portero: Diogo Costa (Oporto, POR), Rui Silva (Sporting, POR), José Sá (Wolverhampton, ING), Ricardo Velho (Gençlerbirliği, TUR).

Defensa: Diogo Dalot (Manchester United, ING), Matheus Nunes (Manchester City, ING), Nélsón Semedo (Fenerbahçe, TUR),

João Cancelo (FC Barcelona, ESP), Nuno Mendes (PSG, FRA), Gonçalo Inácio (Sporting, POR), Rúben Dias (Manchester City, ING), Tomás Araújo (Benfica, POR), Renato Veiga (Villarreal, ESP).

Mediocampista: Rúben Neves (Al Hilal, KSA), Samú Costa (Mallorca, ESP), João Neves (PSG, FRA), Vitinha (PSG, FRA), Bruno Fernandes (Man. United, ING),

Bernardo Silva (Man. City, ING).

Delantero: João Félix (Al Nassr, KSA), Francisco Trincão (Sporting, POR), Francisco Conceição (Juventus, ITA), Pedro Neto (Chelsea, ING), Rafael Leão (AC Milan, ITA), Gonçalo Guedes (Real Sociedad, ESP), Gonçalo Ramos (PSG, FRA) y Cristiano Ronaldo (Al Nassr, KSA).

PARLAMENTARIO SHAILINY TROMP-LEE TA REITERA E IMPORTANCIA DI PROMOVE Y PROTEGE NOS DUSHI PAPIAMENTO

Den cuadro di e celebracion di nos idioma materno, Parlamentario drs. Shailiny Tromp-Lee ta haci un yamado urgente na comunidad, sector comercial, y instancianan gubernamental pa uni den e esfuerso pa balora, respeta y promove e bon uzo di nos idioma nacional, Papiamento.

Ya for di aña 2003, Gobierno di Aruba a reconoce e balor di nos idioma door di haci Papiamento un idioma oficial banda di e idioma Hulandes, segun e ley LB 2003 no. 83. Sin embargo, Parlamentario Tromp-Lee ta subraya cu ainda tin hopi trabou pa haci pa percura cu e idioma aki haya e luga cu e merece

den nos bida diario y den informacion oficial.

"Papiamento no ta solamente un medio di comunicacion; e ta un di e pilarnan di nos cultura y un elemento fundamental di e identidad di cada Arubiano," Parlamentario Tromp-Lee a señala.

"For di den bariga di nos mama, nos a cuminsa scucha e lenga cu nos ta papia cu orguyo. P'esey, ta responsabilidad di cada un di nos pa cuida nos dushi Papiamento."

Un yamado pa accion den tur sector

Den e comunicado, e parlamentario ta expresa preocupacion cu ainda hopi departamento di Gobierno

ta duna informacion of traha rapport solamente den idioma Hulandes of Ingles. Di mesun manera, el a enfatisa cu e sector comercial mester ta mas consciente den brinda informacion na publico den nos idioma materno, en bes di limitan mercadeo na otro idioma. No solamente ta brinda respet na nos idioma, pero tambe loke bo kier informa ta keda mihor traspasa y comprendi.

Parlamentario Tromp-Lee a comparti: "Tin un movcion positivo tumando luga den nos sociedad y mi ta spera cu e sigui asina. Nos mester bira mas consciente di e forma con nos ta uza Papiamento, siña nos



yiunan pa papia esaki bon y cu orguyo, y promove su uzo den tur expresion artistico y comunicacion, sea oral of skirbi."

E mensahe ta conclui cu un invitacion cordial na henter e comunidad pa

keda promove y defende nos idioma, ya cu esaki ta e herencia cu nos a nace cu ne y lo muri cu ne. Nos ta pensa, soña, skirbi y papia den Papiamento. Ban nos tur hunto traha pa mantene bibo y fuerte.

SETAR RECONOCI COMO MITEL 2026 HOSPITALITY SPECIALIZATION PARTNER

Recientemente SETAR a ricibi e grato noticia cu SETAR a wordo reconoci como Mitel 2026 Hospitality Partner otorga pa e compania Mitel. Mitel ta e lider mundial den e mercado di comunicacion corporativo cu ta brinda servicio y producto den e area di conexion y colaboracion.

Pa ricibi e reconocimiento aki, SETAR a cumpli cu varios criteria, incluyendo cierto nivel di benta, certificacion, training y case study. Esaki ta resalta SETAR su

capacidad pa crea experiencianan conecta pa cada bishitante y pa sostene e necesidadnan operacional di hotelnan y companianan enfoca riba turismo. Como un partner specialisa, SETAR ta provee tecnologia di comunicacion cu ta mehora guest service, optimalisa coordinacion di personal y impulsa eficiencia operacional den e sector hotelero.

Banda di e sector hotelero, SETAR ta ofrece tambe solucionnan di comunicacion di Mitel pa

companianan den otro sectornan na Aruba. Solucionnan cu SETAR ta implementa ta, entre otro, Hosted PBX, Unified Communications, MiCollab y solucionnan pa Contact Center, adapta pa yuda organisacionnan mehora comunicacion interno, colaboracion y servicio na cliente.

Cu esaki, SETAR ta continua fortalece su posicion como e partner confiabel den innovacion y comunicacion corporativo na Aruba.



ARTISTANAN HOBEN TA BRIA DURANTE E TOUR DI LITTLE STARS

Oranjestad, Aruba, 20 di mei 2026- Despues di tres dia exitoso di presentacionnan na varios scol, Cas di Cultura y Grupo di Teatro Senguene ta celebra orguyosamente e impacto continuo di e Little Stars Theater Festival y e produccion pa mucha di e aña aki, Hans y Gretita.

Prome cu e presentacion final di e festival cu lo tuma lugar den weekend, studiantenan di scolnan participante St. Paulus School, Colegio Santa Filomena Basis, y Scol Soeur Juliette a tuma parti den un “Tour di Little Stars,” treciendo e magia di teater directamente na scolnan basico rond Aruba. Riba 18, 19 y 20 di mei, cada scol participante a presenta no solamente pa nan skol, pero tambe pa studiantenan di diferente scol basico, creando un intercambio unico centralisa rond di creatividad, contamento di historia y expresion hubenil.

E miembronan jong di e elenco tabatin e oportunidad di presenta pa studiantenan di St. Paulus School, Colegio Santa Filomena Basis, Scol Soeur Juliette, Scol Caiquetio, Colegio Sagrada Curazon, Colegio Santa Teresita, Mon Plaisir San Nicolas, Reina Beatrix School, y Pius X School.

E iniciativa a resulta di ta un exito grandi, unda cu hopi mucha a experencia teater bibo na un manera atractivo y accesibel. Fuera di entretenimento, e proyecto tabatin como meta pa encurasha confiansa, teamwork, abilidadnan di comunicacion, y un aprecio



creciente pa e arte di actuacion den e hobennan di Aruba.

Pa medio di programanan manera e Little Stars Theater Festival, Cas di Cultura, y Grupo di Teatro Senguene ta sigui cu nan mision di sembra amor pa teater — inspirando un generacion nobo pa conecta cu cultura y creatividad a traves di e poder transformativo di teater.

Ta encurasha publico pa sigui Cas di Cultura y Grupo di Teatro Senguene riba medionan social pa mas informacion tocante e evento final y actividadnan cultural venidero.



PROME MINISTER EMAN DEN REUNION CU MINISTER DI ASUNTO ECONOMICO HELEEN HERBERT ARUBA Y HULANDA TA FORTALECE COOPERACION ECONOMICO

Gobierno di Aruba ta habri caminda nobo pa innovacion, conocimiento y desaroyo economico



Den cuadro di e bishita oficial di Gobierno di Aruba na Den Haag, Prome Minister mr. Mike Eman a reuni cu Minister di Asunto Economico y Clima di Hulanda, Heleen Herbert, pa dialoga riba diferente oportunidad strategico pa fortalece economia di Aruba y amplia cooperacion entre ambos pais. Durante e encuentro, a enfoca riba varios proyecto y iniciativa cu por contribui na desaroyo sostenibel di Aruba, incluyendo cooperacion den area di innovacion, conocimiento, agricultura, naturalesa y desaroyo economico. Un di e temanan central durante e reunion tabata e Memorandum of Understanding (MoU) cu Aruba a firma cu Wageningen University & Research (WUR).

Segun Prome Minister Mike Eman, Gobierno ta mira gran potencial den posibilidad pa eventualmente establece un presencia academico di WUR na Aruba. “Nos ta mira esey como un oportunidad hopi grandi, no solamente pa fortalece investigacion local den agricultura y nos naturalesa, pero tambe pa desaroya un centro di conocimiento y investigacion científico cu por

exporta conocimiento y experticio den region,” Prome Minister Mike Eman a expresa. E iniciativa por crea un estructura economico nobo pa Aruba, basa riba innovacion y conocimiento, mientras cu tambe por ofrece varios oportunidad nobo pa cooperacion regional y internacional.

Minister Heleen Herbert a expresa entusiasmo tocante e vision y ambicion cu Aruba ta musta pa futuro. “Mi a haya hopi energia for di e reunion aki pasobra mi ta sinti cu tin hopi ambicion na Aruba. Aruba ta pensa den varios oportunidad y tin deseo pa logra progreso door di cooperacion,” minister Herbert a declara despues di e reunion. Ademá, ambos delegacion a delibera rib’e futuro di e tereno di refineria y e posibilidadnan pa duna e area un destino economico nobo cu por atrae inversion y actividadnan empresarial moderno. Minister Herbert a indica tambe cu Hulanda ta mira varios oportunidad concreto pa contribui na e proceso aki y pa sigui stimula cooperacion economico entre ambos paisnan. “Nos ta mira diferente oportunidad pa sigui desaroya Aruba como un centro pa diferente forma nobo di haci negoshi,” minister Herbert a añadi.

Gobierno di Aruba ta considera e reunion aki como un paso importante den e fortalece e relacion entre Aruba y Hulanda, cu enfasis riba desaroyo economico sostenibel, innovacion y inversion den futuro di nos pueblo.



Anuncio di fayecimento

DGerencia y personal di Plus Group ta anuncia fayecimento di



Sra. Clara Marina Werleman- Kock
Mihor Conoco como “Rina”

Querida mama di nos colega Sra. Lindell Croes- Werleman y suegra di nos directeur Sr. Anthony Croes

Nos ta extende nos mas sincero condolencia na Lindell, Anthony y demas famia den e momentonan dificil aki.

Cu Sra. Clara Marina Werleman- Kock sosega na Paz.

Fraccion di MEP ta bati alarma: MINISTER GEOFFREY WEVER TA IGNORA PARLAMENTO PA LUNAS, MIENTRAS E TA BIAHA PA HULANDA TOCANTE REFINERIA



ORANJESTAD – Fraccion di MEP a expresa awe oficialmente su preocupacion serio na Presidente di Parlamento, Marlon Sneek, y tambe na Minister di Asuntonan Economico, Geoffrey Wever, despues cu ainda no a yama e reunion publico tocante refinaria.

Ta trata di mocion # 2 a wordo aproba unanimamente door di Parlamento, y cuta instruigobierno pa sigui busca oportunidadnan economico riba tereno di petroleo, gas y refinaria. Como resultado di esey, Fraccion di MEP desde 2 di maart 2026 a manda un peticion pa yama un reunion publico cu Minister di Asuntonan Economico Geoffrey Wever pa discuti e ehecucion di e mocion.

Despues di esey, a wordo manda recordatorionan riba 1 di april, 16 di april, 23 di april y 11 di mei 2026.

Te awe ainda e reunion no a wordo yama.

Segun Fraccion di MEP, e

situacion awor a tuma un buelta hopi serio despues cu a sali den media cu Minister Geoffrey Wever a biaha cu urgencia pa Hulanda pa conbersacionnan tocante desmantelamento di e refinaria, un desaroyo cu segun e fraccion ta bai contrario na spirito y meta di e Mocion # 2 cu Parlamento a aproba unanimamente.

“Ta incomprendibel cu durante lunanan e minister aki no tabata tin tempo pa bin Parlamento pa discuti un mocion aproba unanimamente, pero si tin urgencia pa biaha pa Hulanda pa negocia un trayecto cu ta parce contrario na e direccion cu Parlamento a indica,” segun Fraccion di MEP.

Den su carta na Presidente di Parlamento, e fraccion a indica cu e falta di yama e reunion no solamente ta causa daño na Aruba, sino tambe na autoridad institucional y imagen di Parlamento. Segun e fraccion, esaki ta crea e impresion cu decisionnan unanime di Parlamento por keda sin consecucion.



STATEN VAN ARUBA

Fractie Movimiento Electoral di Pueblo

Aan de Minister van Economische Zaken
de heer Geoffrey Wever
Oranjestad, Aruba

Betreft: Ernstige bezorgdheid over het negeren van parlementair verzoek inzake Motie 2

Aruba, 20 mei 2026

Geachte Minister,

Namens de MEP-fractie spreken wij onze ernstige verontwaardiging uit over de wijze waarop door u wordt omgegaan met Motie 2, welke unaniem door de Staten werd aangenomen.

Reeds op 2 maart 2026 heeft onze fractie formeel verzocht om een openbare vergadering met u bijeen te roepen teneinde de uitvoering van deze motie te bespreken. Vervolgens werden herinneringen verstuurd op 1 april, 16 april, 23 april en 11 mei 2026.

Tot op heden heeft u echter geen gehoor gegeven aan het parlementaire verzoek en heeft geen overleg met de Staten plaatsgevonden.

Tegen deze achtergrond heeft het de MEP-fractie met grote verbazing getroffen dat u gisteren met urgentie naar Nederland bent afgereisd voor gesprekken over de ontmanteling van de raffinaderij, met name omdat dit een ontwikkeling is die lijnrecht tegenover de geest en doelstelling van Motie 2 staat.

Dit is niet louter een beleidskwestie. Dit raakt rechtstreeks aan het respect voor het parlement en voor de democratische besluitvorming van ons land.

Een motie die unaniem door de Staten wordt aangenomen, vertegenwoordigt niet de visie van één fractie, maar de gezamenlijke wil van het parlement, en dus het volk van Aruba. Wanneer vervolgens gedurende maanden geen overleg met de Staten plaatsvindt, terwijl ondertussen elders onderhandelingen worden gevoerd over een tegengestelde richting, ontstaat onvermijdelijk de indruk dat de uitspraak van het parlement bewust wordt genegeerd.

De MEP-fractie acht dit onaanvaardbaar.

Het parlement kan niet maandenlang worden genegeerd terwijl achter de schermen beslissingen worden voorbereid die mogelijk onomkeerbare gevolgen hebben voor Aruba. Dat is niet de transparantie en verantwoording die de bevolking van haar bestuurders mag verwachten.



STATEN VAN ARUBA

Fractie Movimiento Electoral di Pueblo

Wij herinneren u eraan dat u niet alleen minister bent, maar ook verantwoording verschuldigd bent aan de Staten. Het parlement is geen formaliteit die achteraf wordt geïnformeerd; het parlement is het hoogste democratische orgaan van het land.

Wij roepen u daarom op om alsnog op korte termijn voor de Staten te verschijnen en volledige openheid van zaken te geven over:

- de stand van zaken rondom Motie 2;
- de gesprekken en onderhandelingen betreffende de raffinaderij;
- de beleidsrichting die door u wordt gevolgd;
- en de gevolgen daarvan voor Aruba.

MEP zal blijven opkomen voor de institutionele waardigheid van de Staten en zal niet accepteren dat een unanieme parlementaire uitspraak zonder gevolg blijft.

Hoogachtend,

Namens de MEP-fractie,


Evelyn Wever Croes
Fractieleider MEP

ARUBA LIONS CLUB CU SU DI 2 EDICION DI FERIA DI SALUD NA SAN NICOLAS

Aruba Lions Club hunto cu su partnersnan ta extende un invitacion na Pueblo di Aruba en general y specialmente e pueblo di Pariba di brug pa asistina nos di 2 FERIA di Salud na San Nicolas.

Manera aña pasa, e biaha aki un biaha mas nos a haya cooperacion di parti Colegio San Augustin, meneer Jeffrey Kelly y su team pa nos di Aruba Lions Club hasi uso di e skol pa nos por brinda e servicio di checkeo medico mas serca di nos hendenan na San Nicolas. Aña pasa e tabata bon bishita y nos no ta duda e biaha aki lo no ta diferente. Manera ta costumber nos tin e team Medico di Xavier University mas nan studiantenan cu ta participa y guia e proceso. Mary Joan Foundation pa esnan cu kier informacion y guia den e proceso pa cu e malesa di cancer di pecho, tanto pa hende muher como hende homber. Aruba Vision Center pa controla e wowo, Quota

conhuntamente cu Fepoh cu ta cuida y informa nos di nos oido nan. Tambe nos ta conta cu e Fundación Smile Mobile cu ta duna servicio na tur nos grandinan cu tin nan implante di djente y mester un clean-up of reparacion chikito. Por pasa libremente y nos lo duna e servicio ariba e dia aki, y por pasa libremente trempa y laga e implante di djente cerca e asistente di Smile Mobile dunando un nomber y number di celular pa mas laat durante e mainta por pasa pick-up esaki sin ningun gasto. Tur nos servicionan ariba e dia aki lo ta completamente gratis.

Y e biaha aki pa promer biaha nos lo tin Fundacion ABO pa cual nos ta sumamente contento cu nan ta forma parti na nos Health Fair como cu nan trabao ta importante y nos tur mester ta bon informa y siña conoce nos curpa na momento cu nos sinti

problema di tripa. Nos ta sumamente contento di por brinda e servicio aki na nos comunidad di San Nicolas. Lo tin oportunidad pa check:
* Cholesterol
* Presion di Sanger

* Sucu
* Oido
* Bista
* Control di Pecho / Tripa
* Limpieza di dentadura falso (protesis dental)
Aruba Lions Club ta extende un invitacion na un y tur pa presenta nan

mes Diasabra, 23 di Mei na Colegio San Augustin entre 8'or am pa 12'or pm. No mester di haci cita y tur checkup ta gratis. Bin controla bo peso, sucu, presion, bista, oido, pecho, dentadura y colesterol. Erwin

Clasificados

SOLODIPUEBLO@GMAIL.COM
CEL. 585 9500

SOLO Di Pueblo

2ND ANNUAL
Aruba Lions Club
HEALTH FAIR
San Nicolas edition
Saturday
May 23rd 2026

at Colegio San Augustin
San Nicolas
8:00am - 12:00pm

Get Free Screenings & Information

- Cholesterol
- Blood pressure
- Diabetes
- Women's health
- Dental health
- Vision Check up
- Hearing Check up

Come to our Community Health Fair and find out information regarding your health state.

For more information:
592-9292 or secretary@arubalionsclub.org








PARLAMENTARIO DANGUI ODUBER: NA MOMENTO UN GOBERNANTE BIRA AROGANTE, TRANSPARENCIA TA BIRA SU ENEMIGO!

For di dia 19 di november 2025, Minister Gerlien Croes a haci un biahe di trabou pa Corsou haciendo uzo di un private jet, algo cu sigur no ta usual pa un mandatario. Nos trabou como miembro di Parlamento ta pa controla y vigila gobierno. Den e contexto aki, nos a haci preguntanan na Minister Croes for di november di aña pasa riba su biahe cu jet priva, pa asina, den cuadro di e transparencia cu e propio Minister Croes semper a boga p’e, haya claridad riba e biahe aki.

183 dia sin contesta: Un falta di respeto na Parlamento y pueblo Awe a pasa 182 dia sin cu Minister Croes kier contesta nos preguntanan. Minister Croes no ta respeta nos Constitucion, pasobra segun nos ley fundamental, un minister tin e deber y obligacion di contesta preguntanan di Parlamento. Minister Croes no ta respeta Parlamento, y mucho menos pueblo. Nos ta representa pueblo y pueblo ta exige claridad. Un minister mester ta sincero, honesto, y mester ta transparente den su accionnan. Minister Croes ta practicando un politica di gañamento structural y organisa. El a priminti un politica nobo,



un politica diferente, un politica di transparencia y honestidad. Awe e ta practica “old school politics”: un politica di gañamento, manipulacion y te hasta persecucion di tur esunnan cu no ta comparti su pensamiento.

Pagonan cuestionabel y falta di transparencia

Un biahe cu un avion priva pa Corsou ta costa entre \$8,000 cu \$10,000. Minister Croes a bisa desde aña pasa cu e mes a paga pa esaki, pero te awe e NO kier contesta Parlamento con el a paga esaki, na ken el a paga y cuanto el a paga. E licencia cu e avion aki tin no ta permiti cobra pasahero, nificando cu ta zona basta straño cu Minister Gerlien Croes ta bisa cu e mes a paga pa e biahe aki. Minister Gerlien Croes por a caba cu e discusion aki desde aña pasa si e tabata honesto y

sincero, pero el a opta pa ta un gobernante arogante. Su arogancia y falta di respet pa nos Constitucion y nos Parlamento ta muestra cu transparencia a bira su enemigo. Tanto cu el a boga pa transparencia, awe cu e ta den “drivers seat” e ta core, ta sconde, ta keda sin contesta y no kier debati.

Nos di fraccion di MEP te hasta a bay un LOB-verzoek, cual Minister Croes a opta tambe pa keda sin contesta. No solamente e ta stroba Parlamento di haci su trabou, pero e actitud di arogancia y superioridad cu Minister Gerlien Croes kier demostra ta bergonsoso.

El a lubida algo hopi fundamental: pueblo ta pone y pueblo ta kita, y ora transparencia bira bo enemigo como minister, pueblo lo saca su propio conclusion!

SUDOKU

	7					3	8	5
	2					7		
8								
			3		5			
		1			6		4	
					2	8	9	
1	9			5				
6			8					9
5						1	3	2

		8				7		
9	3		4					
			3	8				5
4		3	7			9		
	6				9		8	4
5				3			1	6
	4		1	6				8
					7			

		7			4		9	2
		5		7			1	
					2	5		
		4			6			8
			2			3		7
	3	6	5					
	5							4
7			3				2	
					8			

MINISTER GERLIEN CROES:

INSTALACION OFICIAL DI MINISTER
PLENIPOTENCIARIO MILDRED
SCHWENGLE TA MARCA UN MOMENTO DI
ORGUYO NACIONAL PA ARUBA



ORANJESTAD, 20 di mei 2026 – Awe den un ceremonia oficial den Nieuwe Kerk na Den Haag, Gobierno di Aruba a instala señora Mildred Schwengle oficialmente como Minister Plenipotenciario di Aruba na Hulanda. Como Minister di Relacionnan den reino, Educacion, Hubentud,

Innovacion y Deporte, sra. mr. Gerlien Croes a expresa cu tabata un gran honor pa atende e ceremonia aki hunto cu su coleganan, Prome Minister mr. Mike Eman y Minister mr. Geoffrey Wever. “E instalacion di Minister Mildred Schwengle ta representa un paso importante den

fortalecimiento di e relacionnan entre Aruba y Hulanda, y den e manera cu nos pais ta wordo representa riba nivel internacional”, segun Minister Gerlien Croes. Durante su discurso, Minister Gerlien Croes a enfatisa e importancia di representacion digno y compromiso continuo cu Aruba su desaroyo. E a destaca cu liderazgo fuerte y cooperacion ta clave pa sigui construi riba e fundacion di nos pais y pa avansa den un mundo cada bes mas interconecta. E ceremonia a tuma luga den un atmosfera di dignidad y significacion special, caminda durante e ocasion tambe a wordo conmemora dos logro

historico importante pa Aruba: 40 aña di Status Aparte y 50 aña di Himno y Bandera. “E momentonan aki ta recorda nos di nos identidad, nos historia y nos responsabilidad comparti pa sigui traha pa un futuro fuerte y sostenibel pa Aruba”, Minister Gerlien Croes a añadi. Gobierno di Aruba ta desea señora Mildred Schwengle hopi exito den



su funcion como Minister Plenipotenciario y ta confia cu su liderazgo y dedicacion, Aruba lo sigui fortalece su posicion den Reino Hulandes.



 Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado: Sorteo di Anochi - May 21, 2026		
 Sorteo # 8851 7818 3768 3128  X2  Sorteo # 7895 7294  X2  Sorteo # 2600 8533  Sorteo # 6654 5942 Leo  Sorteo # 1584 551  FP	 Sorteo # 2698 0 x Jackpot 0 x Match 4+ 3 x Match 4 93 x Afl. 12,00	12-13-14-32-33 Joker 15 Letter L Proximo Jackpot 340.000,-
 Sorteo # 7185 0 x Jackpot 8 x Match 4 246 x Afl. 8,00	02-05-11-12-14 Proximo Jackpot 81.000,-	
 Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00	Mega Ball Proximo Jackpot 260.000,-	
 Afl 360.000,-		
 Sorteo #		Sorteo #
		

FORTALEZA PA FAMIA.

Scirbi pa Pastor Marcel Balootje.

TA UN PRIORIDAD PA HACI ORACION PA NOS HUBENTUD

Nos hubentud en general ta vulnerabel, pasobra e enemigo ta cana manera un leon cu ta grunja buscando ken e por devora.(1 Pedro 5:8).

Tin cosnan ta pasando bao di nos hubentud cu mester bira punto di oracion pa nos tur, pa Dios por interveni.

A lanta un spirito di suicidio bao di nos hubentud.

Mucha cu ta expresa na nan mayornan cu nan no tin gana di biba mas.

Hopi mayor ta controla nan yui constantemente bao di video call pa wak si e mucha ta bon.

Hopi mayor ta biba bao di stress y depresion pa e actitud rebelde y negativo di nan yiu.

Tin sistema nobo di sconde locual cu ta pasando, pensando cu asina nos ta evita cu mas hoben of persona lo cay den e trampa di suicidio.

Pero ta net ora nos sconde e berdad e scuridad diabolico ta hanja forza pa aumenta, pasobra no tin hende cu ta desenmascara e situacion, y hende a hanja miedo di papia.

Haci hopi oracion, pasobra



tin hobennan cu ta sigi cierto cosnan diabolico y destructivo riba internet y ta corta nan curpa, y esey no ta nada di sconde pero ta cos pa lanta oracion contra dje, pa Dios interveni y e cadena por wordo kibra.

Tin hopi malbado ta cana cu malesa di caya, entre otro AIDS y ta pega hobennan cu ta tene relacion sexual pa hanja cos, sea pa cumpra telefon, prenda, panja caro, y despues ta keda decepciona pasobra nan tin un malesa cu ta dificil pa cura, cual ta hasta perhudica nan futuro, e cosnan ey mester wordo treci dilanti den oracion.

No ta tempo di haci wega, pasobra e tempo trabahoso cu nos ta bibando aden ta ataca nos hubentud na prome lugar, pasobra nan ta e futuro di mayan.

E cos ta hopi mas serio cu nos ta kere, e falta di respet y desobediencia bao di nos hubentud ta hopi, pero hopi alarmente.

E uso di droga ta manera nan no ta comprende cu droga ta haci danjo y cu droga a mata hopi hende, y si nan sigi asina nan tambe lo ta next in line.

Nos tin di papia fuerte, pasobra e situacion di bida ta fuerte, di berdad cu diabel kier mata yiu di hende.

Hobennan cu ta cay bao di mal influencia, cu ta perde nan indentidad, ken nan ta berdadermente.

Hobennan cu no ta interesa pa bay scol, pa nan por ta bon prepara pa un trabao, nan ta kere nan por biba di e trabao di carwash of hala garoshi den supermarket.

Nos cantidad di embarazo hubenil tampoco ta mucho abao.

Hobennan ta corre scooter y brommer sin ningun clase di papel tampoco number.

Hobennan cu ta corre auto sin lus anochi, y cu un velocidad halto.

Pero tambe nos ta experiencia mayornan cu

ta dunando nan yuinan mal ehempel di bida, door cu nan ta pone alcohol y droga na prome lugar y di mes e yuinan cu ta hoben ta sinja e maldad ey for di nan propio mayor. Imagina bo un mayor cu ta usa droga dilanti di su propio yuinan.

Nos mester haci tur nos esfuerso pa lanta nos yuinan den caminda di Dios, cual ta e unico caminda cu ta hiba na berdad y bida.

Si nos no uni y haci oracion awe, mayan cu Dios kier ta di lamenta, pasobra e enemigo no ta haci wega.

Un hoben mester tin un cas di Dios cu e ta bishita, pa asina e palabra di Dios por drenta su curason, y cambia su bida, pa semper.

Sinceramente, Pastor Marcel Balootje.

Paga bo cuenta online ta facil

Sea
**Abonnement
of Aviso**



Pa hasi pago online pone number y adres na
cuenta di banco RBC Sunmax Printing
account # 7700000100152447